



江蘇省地方志編纂委員會辦公室編

江蘇歷代方志全書

15



江蘇省地方志編纂委員會辦公室編



鳳凰出版社

江蘇歷代方志全書

15

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

吳門補乘



(清) 錢思元 撰

《吳門補乘》十卷首一卷，清錢思元撰。

思元字宗上，號止庵，吳縣人。少從沈德潛學詩，長而一意著述，有《兔園類記》《止庵隨錄》《止庵聞見錄》等。

據作者《自序》，「（乾隆）辛卯（一七七—）秋，……閒居無聊，見載籍所記吳事，輒手錄之。《志》有者弗錄，間雜以一二耳聞所及。……然閉戶先生見聞有限，未能旁及他邑（實吳、長、元三邑），則亦曰《吳門補乘》而已」。於乾隆三十八年完成初稿。後三十餘年，不斷修改補充，嘉慶八年（一八〇三）又作《續編》。

卷首巡典補；卷一建置沿革補、風俗補、城池補、山補、水補、水利補、戶口補、田賦補；卷二物產補、公署補、學校補、軍制補；卷三鄉都補、津梁補、祠廟補、寺觀補、古迹補、第宅園林補；卷四職官補、名宦補、選舉補；卷五人物補；卷六藝術補、流寓補、列女補；卷七二氏補、藝文補、祥異補、記兵補；卷八雜記補；卷九刊誤；卷十續編。前有黃炳《吳門補乘叙》《自序》和《凡例》。

立類全仿《乾隆志》，內容又是補該志所缺，實為《乾隆志》補編。卷十曾毀於火，思元子士錡輯成《續編》一卷以足原數。

據書前《凡例》，此書「略於文詞而詳於經濟，如田賦、水利之類。凡有關吳門利病者，無不審時度勢，悉心參酌，庶司牧者採擇之」。《人物》一門，自忠義、節烈以至奇才異能、績學能文之士，無不著錄；雖細行片長，亦所不遺。韓豐《亡友錢君止庵傳》稱：「自辛卯至癸亥有《吳門補乘》之作，取他書之未載郡邑志者，訂訛而補葺之，尤於名賢、節婦三致意焉。」從篇幅看，《人物》比重最大。此後道光、同治兩府志均從此取材。《雜記補》記順治二年（一六四五）清兵入蘇強徵糧芻，激起民變，為官修志書所避而不載。又康熙時蘇州「哭廟」案，金聖嘆即因此案而被殺，其他受株連者尚多，此書亦加以收錄，也極為可貴。

有清嘉慶二十五年（一八二〇）吳門錢氏刻本，嘉慶二十八年宜興任氏刻本，道光十年（一八三〇）刻本，鈔



本。本次出版，以道光十年刻本爲底本影印。

(陸振岳 陳其弟)

第十五冊目錄

吳門補乘

〇〇一

道光蘇州府志（一）

二九一

吳縣錢止菴輯

吳門補乘

本堂藏版

吳門補乘敘

天地之大古今之遠其耳目所遺湮沒而不彰者可勝道哉吾郡有西湖志一書舊頗蕪雜自宮保李公銜開局重修膺其選者皆一時名宿搜奇剔異遂成鉅製然吾竊有憾焉者淨慈古剎之西有南屏山竹樹葱蒨巖石幽深入其中者有出塵之想山之半石壁鏡立高可三丈許濶倍之有司馬文正公大書深刻聖經一篇並考亭朱子周易家人卦一篇皆隸書筆法蔚跂予每過其下低徊不能去及遍閱志書缺焉不載豈他書無可考與抑舊志之見遺與不然其諸公之信耳而不信目與吳郡名勝與吾杭相埒人物貢賦實過之府邑並有成書其吳縣志乃吾鄉施徵君蘭垞謙所脩憶余弱冠時學詩

吳門補乘

黃序

一

于先生嘗竊問先生此書之成得毋尚有所慊乎先生太息曰一人之聞見有限紀載之搜輯良難吾第竭吾心力耳至于網羅放失俟諸後人矣由此推之凡邑乘之所遺漏又可概見焉錢君止庵思元吳中博雅士也作吳門補乘若干卷其伯兄靜軒攜以示余籌燈讀之纖悉不遺考訂詳盡大都見聞參半誠邑乘之功臣而後來之一助也君以軼羣之才加以稽古之力補乘一書特其緒餘耳然即此亦足見其志之所存矣向使吾杭得錢君其人則西子湖頭其湮沒而賴以彰者當復不少何至與南屏片石同偃息于秋水白露閒哉

時

乾隆癸巳仲春海寧黃炳韜菴書於吳門不遮山閣

亡友錢君止菴傳

韓 豐 又村

君姓錢氏諱思元字宗上一字止菴世居浦莊父廷熹有陰德早亡母顧勵節撫孤膺 旌典事載邑乘君六歲侍顧節君徙居郡城之東偏距余家不數武稍長與余爲莫逆交故於君生平梗概知之最悉君明敏嗜學年二十以前從事八股三十以前從事聲律四十以後乃覃精考訂之學圖書環繞晨夕校讐手持鉛槧丹黃雖病不少輟少時學文於任孝廉若衡諱志尹爲吳中名宿最器重君年十九受知于督學使者尹公會一補吳縣學生益揣摩 國初諸大家文而得其高邁氣息十試鄉闈不售遂棄去帖括不復習乾隆己卯沈尙書歸愚先生以詩壇耆宿退歸林下君攜詩稿請質親承指授自是

吳門補乘 韓傳

二

詩學日進所著怡雲小草宗晚唐而不落于纖歸愚先生所手評也既而博考羣書一意著述自戊子至己酉有兔園類記之作取說部之可入詞賦料者薈萃而參考之共見習聞弗錄焉凡十五冊五易稿乃成自辛卯至癸亥有吳門補乘之作取他書之未載郡邑志者訂訛而補葺之尤于名賢節婦三致意焉凡十卷四易稿乃成又輯易緯詩緯書緯禮緯春秋緯論語緯孝經緯及吳門軼記吳門軼事止菴隨錄止菴聞見錄止菴日記怡菴隨錄嶺表錄異補葺夷堅志補遺等書無慮數十種尋以著書積勞成疾嘉慶八年八月卒年七十有四君篤于本根事母孝事兄友遇親故有恩生平無他嗜好見人有奇書必借借期必得得必手抄積手抄書滿床滿架不下千本

殆朱性甫錢叔寶一流人也余自乾隆己酉赴陝與君拜別未嘗不夢寐不忘至是不覺黯然傷傷君年少于吾而竟先吾而長逝也既又輾然喜喜君學問之奧博著作之宏富其足以信今傳後無疑雖死之日猶生之年也世固有身列士林之中而無所撰述以傳於後者有撰述矣而不必富既富矣而不必精如君者其亦無愧矣哉配顧氏子士鉉士鑄士銑並諸生鉉子經前卒鑄子雖業儒雖子曾怡嗣經後

吳門補乘 韓傳

三

自序

辛卯秋余偶中暑疾不能赴省試閒居無聊見載籍所記吳事輒手錄之志有者弗錄閒雜以一二耳目所及風晨雨夕聊以自娛亦如博奕之賢乎已也然閉戶先生見聞有限未能旁及他邑則亦曰吳門補乘而已癸巳中秋前一日止菴居士錢思元識是夜月色如水

172

吳門補乘 自序

四

凡例

一是書補錄郡城三邑故實他邑未之及焉故曰吳門補乘視王元美蘇志備遺統紀一府者不同

一是書略於文詞而詳於經濟如田賦水利之類凡有關吳門利病者無不審時度勢悉心參酌庶司牧者採擇之

一人物一門自忠孝節烈以至奇才異能績學能文之士無不著錄雖細行片長亦所不遺蓋善善從長與其失之苛無寧失之寬爾然皆信而有徵探自古書者必互訂得自傳聞者必旁稽一藝文一門有與人物傳互見者亦有與人物傳相輔者學士文人專精論撰而行誼無聞則以書目錄入藝文使已傳者可久

吳門補乘 凡例

五

而未傳者可稽庶不廢當日之苦心

一詩文註每條下或其事已見郡邑志是書無條可註者附錄每門之末

一府志乾隆十三年脩吳志十年脩長志三十年脩元志二十四年脩是書戶口職官選舉三門僅補脩志以前之所遺以後皆

有案牘可稽無煩贅也續編選舉續府志後

一是書纂輯於乾隆辛卯絕筆於嘉慶癸亥先君子閉戶著書至老不衰於是書尤三致意焉

一是書體例有不盡合志乘者然人物之紀詩篇慮其湮沒也寺觀津梁之獨詳橫金浦莊得之切近也其餘倣此



一是書採用古書必詳註之所以別於自記也

一郡邑志魯魚亥豕舛錯頗多別有刊誤一卷訂正之

一嘉慶八年以後更有續編一卷

吳門補乘 凡例

六

吳門補乘目錄

癸亥春重將是冊分類鈔錄釐爲十卷其果有裨于志乘與否不具論特以卅載苦心不忍捐棄存爲後人覆瓿可也止菴又識時爲二月十七日午後旋風起塵埃蔽空

卷首

巡典補

卷一

建置沿革補

風俗補

城池補

吳門補乘 目錄

七

山補

水補

水利補

戶口補

田賦補

卷二

物產補

公署補

學校補

軍制補

卷二

鄉都補

津梁補

祠廟補

寺觀補

古蹟補

第宅園林補

冢墓補

卷四

職官補

吳門補乘 目錄

名宦補

選舉補

卷五

人物補

卷六

藝術補

流寓補

列女補 女秀附

卷七

二氏補

藝文補

祥異補

記兵補

卷八

襍記補

卷九

刊誤

卷十

續編

吳門補乘 目錄

吳門補乘卷首

吳縣學生 錢思元恭錄

巡典補吳門僻在一隅仰蒙 聖華臨幸 問俗省方 衢歌巷舞 甚盛典也 謹輯錄之以冠卷首。按盧 騰龍府志 恭紀康熙甲子已巳一再 巡雅志關

聖祖仁皇帝六度南巡

康熙二十有三年甲子秋九月 皇帝軫念河工及江南錢糧重地 非躬行相度無以鼓勵百職子惠黎元遂 命駕南巡祀泰山 謁孔林周歷河道 指授方畧恐滋地方騷擾因撤車騎減扈從 以十月二十六日戊午 御舟抵許墅關謹按武進縣志載 兩由儀真幸江寧府忽遇順風可以速達京口遂乘沙船順流而下 次早登金山晚而登舟揚帆過丹陽常州府無錫縣俱未及泊一 吳門稍乘 卷首 巡典補

晝夜行三百六十餘里達姑蘇 在籍諸臣各具朝服迎謁于南新橋水次蒙 皇上溫語慰諭賜以餅餌 上騎行從闔門人士庶夾道伏地歡呼 至闌咽不得前 上輒緩轡命勿跪訪求疾苦藹然若家人父子 隨幸瑞光寺主僧戒瑄親承 顧問歷盤門登城四望窮簷部屋 極目無際 上為瞻念者久之由齊門而下幸拙政園晚達葑門 駐蹕織造府公署越翼日已未 駕幸虎邱次日至錫山 命撫臣湯斌日編修汪琬素有文名又居鄉不與外事是誠可嘉今 賜御書一軸可遣官齋賜十有一月壬戌朔至江寧 親祭明 太祖陵越二日甲子 回鑾我 皇上勤求民瘼功高隆古俾東 南一隅獲覩 天子之光而邁千百年未有之鉅典甚盛事也謹

識其概云 張大純采 風類記

十月二十七日 駕幸虎邱住持僧超時恭迎 上步行入山門 歷五十三參登大雄寶殿禮佛畢至平遠堂住持獻茶有迎毘國 僧出拜 上賜帑三錠徐至塔前 問塔建自何年僧奏建自隋 時仁壽元年行次千頃雲僧奏云此是千頃雲舊址 上問何名 千頃雲僧回奏向有西軒三楹一望煙雲無際故名至雙井橋 問劍池如何用劍字僧以吳王寶劍藏池往事對臨悟石軒望千 人石 上問可坐得千人僧回奏云怪石千人坐靈池一劍沉前 人曾言之 上見石上百姓甚眾云如此人多萬人也容得 又 問可中亭點頭石僧舉生公說法事回奏移時薄暮徧山張燈奏

吳門補乘 卷首 巡典補

樂 上命登舟入城 顧諒 虎邱志

以上一巡

康熙二十八年己巳我 皇上不自暇逸勤求民隱復于正月初八 日簡輕騎涉冰霜迤邐而南元夕 行在次山東 親灑宸翰賜 江南全省二十九年之租經淮南 命疏通下河以防衝溢二月 初三日辛丑大純隨在籍諸臣汪琬韓奕歸允肅繆彤等伏謁許 墅舟次晡時 車駕入城衢巷皆結綵張燈以迎是夕仍於織造 府公署中 駐蹕翼日壬寅 幸虎邱登 萬歲樓樓中樹穹碑 載丁卯鐫租 聖諭 上稍憩與山僧問答良久折而東至悟石 軒入禪堂由雪浪軒過劍池石梁還至樓前時有梅名玉蝶者初

開芳香襲人 上徘徊甚愛之出至二山門蘇州士民劉廷棟松

江士民張三才等伏地進疏請減浮糧疏藁乃崑山鄉遇赦所擬見田賦門。進疏畧見長

志 命侍衛收進 諭九卿科道會議翼日癸卯 駕從木瀆鎮

至鄧尉山聖恩寺觀梅吾家山夜宿四宜堂翼日甲辰天適雨

幸靈巖山覽琴臺響屐廊浣花池諸勝是日登 御舟幸浙江祀

禹陵於會稽爲河工也十九日丁巳 回駕駐蹕蘇州翼日戊午

召編修汪琬入見 賜果饌待詔宋駿業 賜御書桃李園序

及果饌皆 特恩也華山僧曉青有 御製詩及 御書遠青二

字之賜合郡士庶進萬民宴 上領之命近侍取米一撮曰願百

姓有飯喫父老復固請又取福橋一日願爾等福壽也已未 駕

吳門補乘 卷首 巡典補

三

發回京是役也往返不過八十日采風類記

二月初四日 駕幸虎邱在籍諸臣跪迎於山門之左 上登岸

侍衛傳令山僧引導遇有古蹟一一啓奏過慈泉 問此泉爲

何稱慈泉僧奏云昔有行僧名慈慈知此處有泉鑿井供衆遂以

爲名至千人石僧指石池奏云此是白蓮池其旁有四賢祠祀故

明撫臣周忱夏原吉王恕海瑞皆有功德於吳者時新建 萬歲

樓規制鉅麗東西各樹紅門 上由東紅門入石徑紆迴循級而

上見 御碑中立 問是誰建的僧回奏是合郡鄉官捐貲萬民

助力造成的隨捧 聖諭碑文以進 上領之臨悟石軒盤桓良

久喜動 天顏至大雄寶殿禮佛仍到平遠堂徐步堂階北望正

值虞山而錫山崑山分峙左右 上問三山距此有多少遠僧回

奏虞山相距一百二十里崑山七十里錫山九十里又 問可更

有空曠處遠望山色否僧奏云請 聖駕幸千頃雲看西山因至

大殿後遙望陽山穹窿靈巖獅山隨過寶塔到雲巖禪堂僧奏此

卽生公講堂也過雪浪軒俯看叙池 問池水深淺若何可通別

處否僧回奏約深丈餘向通第三泉卽從雙井橋復至樓前登講

臺舊址 上問此是生公講臺否僧奏云乃晉僧道生講臺隨

命近侍賜僧白金百兩行數步塔前玉蝶梅初放 上注視以手

撫之回顧可中亭仍從東紅門出萬民在千人石上俯伏歡呼於

是在籍諸臣及本山僧衆跪奏登舟入城顧詒祿虎邱志

吳門補乘 卷首 巡典補

四

二月初五日 御舟至木瀆鎮舍舟登陸未刻至鄧尉山聖恩禪

寺住持臣僧濟石率衆僧迎接 上問老和尚年多少和尚對云

八十四歲 上問那裏人對云浙江嘉興府人 上問是臨濟宗

麼對云是 聖顏溫霽命侍僧扶掖和尚 上緩轡而行過雨華

橋釋騎至大殿同 親王大臣徧禮佛像至法堂登座 敕老和

尚免禮衆僧朝拜獻茶畢起登天開圖畫 上曰和尚年老不去

罷和尚遂止 上問首座你是甚麼人對云法名誅震是和尙法

弟又 問知客你是甚麼人對云法名德和是和尙剃度弟子

上問梅花甚處好德和對云吾家山第一 上卽命德和引 駕

時夕陽在山花光掩映 上情歡甚至酉刻方回四宜堂陳設

御榻內侍進膳畢傳 諭取紙筆入內初六日卯刻和尚朝見

面賜御書松風水月四字帑金二百兩和尚同衆僧謝 恩進山

志一部 上繙閱數葉命侍衛收貯和尚奏云今日風大 上曰

不到洞庭山去卽起 駕又 敕老和尚免送和尚謝 恩命衆

僧遠送 上曰馬多衆僧也罷了衆僧俯伏道旁 上遂行德和

隨至柴莊嶺 上諭你也回去罷德和叩首謝 恩鄧尉聖恩寺志

雲泉菴住持特藻道風遐暢 召見行在奏琴四曲 上獎勵至

再壬申春 命掛瓢於玉泉山往來 暢春園告假南回習靜雲

泉己卯 上復幸姑蘇特藻沿途迎接 溫語撫慰禮意優渥

題般若臺三字及 御書精舍匾額以賜 敕賜雲泉爲慧業寺

吳門補乘 卷首 巡典補

五

采風類記

以上二巡

康熙三十有八年己卯春 皇上將有事于東南恐睽違日久因奉

慈聖以行三月十四日癸未 駕抵姑蘇駐紮織造府沿塘伏

謁者數百里不絕在籍諸臣爲前一行生監次之耆老又次之編

戶之民又次之水陸並進每舟列黃旛標都貫姓名迎 駕等字

於其上陸亦如之凡獻康衢頌若干帙姑蘇驛前虎邱山麓各建

綵亭一縱橫百步棖櫺欄楯極壯麗橋巷樹綠坊俱以綺羅圍結

成之錦棚高出簷表徧列花燈視甲子己巳逾十倍蓋 皇上合

天下之歡以事 親故民咸競獻其力云十八日丁亥恭逢

萬壽聖誕合郡奔走山呼進頌 聖詩凡天地人和共四冊奉筵

宴以上 萬年之觴又於諸山及在城名刹廣建祝 聖道場

皇上念鞠育劬勞不受賀十九日戊子 召翁叔元王日藻顧沂

王原祁慕琛徐樹穀徐升入見 賜御書叔元日藻沂又 特賜

大字扁額二十日己丑 幸浙致祭禹陵四月初一日庚子 駕

回蘇州初二日辛丑延見耆老顧錫祉年百 褚篆年九等有 宸

翰及酒膳白金之賜 賜顧錫祉字積象海鶴風交四字 初五日甲辰復 召

翁叔元顧沂宋駿業等 賜人參酪酒各有差初六日乙巳奉

旨回鑾遂從江寧渡淮 巡視河道而還采風類記

三月十六日 上奉 皇太后幸虎邱顧訥孫虎邱志

吳門補乘 卷首 巡典補

六

扈從在籍諸臣 賜御筆頗多給假吏部侍郎彭孫通浙江 曰松

桂堂檢討尤侗曰鶴棲堂御史盛符升崑山 曰年登耄耋時侗年

八十二符升年八十五矣會 萬壽節駐蹕吳門而諸臣得邀

天藻真曠世奇遇也王士禎居士禎居易錄

三月十八日 駐蹕蘇州織造衙門九歲能書童子江宏文蒙

賜御書石刻千字文及帑金二十五錠異數也十九日采風類記

辰刻 御駕出葑門登舟 幸浙江傳 旨命兩江總督 張鵬

翮江蘇巡撫 宋榮登舟 上諭云吳人每日五餐得毋以口腹

廢事乎 臣等奏云此習俗使然 上笑云此事恐爾等亦未能勸

化也四月初三日卯刻 駕幸華山 御舟至高攀橋進膳臣鵬

關臣華同漕臣桑格侍岸上 賜御膳四盤內鮮茄一種又 賜

鵬臣翻湯麪一盃云此麪甚淡然而有味爾以爲何如臣鵬翻奏

云誠如 聖諭又 賜臣華麪點心一盤云此係北方麪味較勝

宋華迎

香祖筆記云 上賜江蘇巡撫臣宋華仁惠誠民四大字又 賜

懷抱清朗四字

吳廷楨蘇州人中丙子北闈以冒籍革 聖駕自浙回 鑾途次

獻詩 上命登舟賦詩限三江韻廷楨賦云綠波激灩映船窗

天子歸來自越邦忽聽鐘聲傳刻漏計程早已到吳江 命復還

舉人當廷楨之賦詩也已得首二句而思不能屬窘甚忽聽自鳴

吳門補乘 卷首 巡典補

鐘卽景生情而詩乃就好事者戲呼爲救命鐘漁磯漫抄○廷楨字山掄見志

四月初一日 上從武林回鑾鄧尉聖恩寺僧濟志於尹山河界

恭迎 御舟 上問是那裡和尚對云元墓山 上問是老和尚

麼和尚進迎本 上招手云近前侍衛接呈 上覽畢遂問可是

臨濟宗麼對云是臨濟宗 上問是那一派對云三峰 上問甚

麼名字對云濟志 上云朕可曾到過麼對云二十八年 皇上

曾駐蹕寺中 上云可曾賜寺額麼對云曾蒙 皇上御賜松風

水月四字 上欣然點首和尚奏云蘇松二郡臣民暨耆老等在

山啓建 萬壽道場臣僧恭迎 聖駕 上云今日晚了老和尚

先往蘇州去明日到織造那裡來和尚謝 恩開船前行次日到

織造府進請本蘇大人傳 旨云 萬歲有旨明日來遂謝 恩

鄧尉聖恩寺志

四月初三日 駐蹕蘇州起更時傳 旨明日往東山初四日已

刻出胃口行十餘里漁人獻饌魚銀魚 命漁人撒網又 親自

下網獲大魚二尾 皇上大悅命賞漁人元寶巡撫同按察使先

到山少頃有獨木船二撥槳前行 御舟到岸而隨從之輿臺未

到宋撫軍準備大竹山簫伺候啓奏過 皇上升輿云倒也輕巧

時有耆老百姓三百餘人執香迎接又有比丘尼跪而奏樂 皇

上云可惜 太后沒有來賞他元寶其時翠峯寺僧超揆步行

齋前先驅引路者倪巡檢陳千總也 駕幸席啓寓東園 皇上

吳門補乘 卷首 巡典補

問席何官職奏云工部虞衡司主事 皇上問爲何不做官奏云

告養親在家進茶進百家唐詩四套蘭花二缸 問超揆你住處

在那裏奏云此去還有三里路 皇上云不去罷卽 命起 駕

乘馬而行 分付侍衛喚百姓們看又 分付衆百姓不要踴躍

田中麥子其時麥子已結實成角 皇上命取一枝細看 問宋

撫軍何用對云打油又 分付賞老人元寶登舟 命超揆立船

頭船到余山有水東百姓告菱湖黃埭田賠糧收紙付宋撫軍辦

理是日更深到城山民吳廷

初四日 上幸太湖準吳縣百姓奏水東地方產去糧存 上問

屬屬守備牛斗太湖幅員廣狹對周迴八百五里 上云爲何具

區志止五百里對積年風浪衝坍堤岸故今有八百餘里 上問

去了許多地地方官何不奏聞開除對非但水東一處即如烏程

之胡澹長興之白茅菁宜興之東塘武進之新村無錫之沙灣長

洲之貢湖吳江之七里港處處有之 上云朕不到江南民間疾

苦焉得知道

石柱記

太湖采蓴自前明萬厯間鄒舜五始見志至是 聖祖南巡舜五孫

宏志種蓴四缸作貢蓴詩二十首并家藏采蓴圖進之 上命收

蓴送暢春苑圖卷發還宏志著書館効力書成議敘授山西岳陽

知縣時人目爲蓴官

金友理太湖備考

以上三巡

吳門補乘 卷首 巡典補

九

康熙四十二年癸未 上以河工底績南巡渡江 駐蹕江天寺

卽金

山撫臣宋榮時扈從奏云 家有別業在西陂乞 御書西陂二

大字 賜 臣 不令宋臣范成大石湖獨有千古 上云此二字頗

不易書榮再奏云二字 求善書者多不能工倘得 御書乃爲

不朽盛事 上笑而書之卽以頒 賜頃之 駕回行宮又 命

侍衛取入重書 賜焉又 賜清德堂大字筆有扈從紀 恩詩

紀其事中一首云 御筆傳來訝再三西陂寶墨秘龍函一時盛

事流傳速已入漁洋續偶談

王士禪香祖筆記

二月十一日 駕抵蘇州吳縣人倪喬監生江宏文獻詩 上命

大學士張玉書祭酒孫岳頌暨 臣 榮同閭覆奏 臣 等啓奏云宏文

詩雖未成青年可造商用韻雜亂 上命發還二十日 御舟自

浙江回丑時過平望午刻 駐蹕織造衙門吳縣民錢廷廟等叩

闕請將原任吳縣知縣今陞廣西上思州知州梁鳳翔仍留原

任奉 旨交 臣 學查議二十一日 臣 榮覆奏梁鳳翔居官素優但

陞員無保留之例不便准行奉 旨將原呈人逐釋

迎鑾二紀

二月十二日 上幸虎邱

顧詒祿虎邱志

以上四巡

康熙四十四年乙酉三月十八日 駕幸蘇州奉 上諭江南督撫

學院上下兩江舉貢監生員人等有書法精熟願赴 內廷供

奉抄寫者報名齊集江寧蘇州二處回 鑾日親加考試四月十

吳門補乘 卷首 巡典補

十

四日 命掌院學士揆敘赴府學考進冊頁及願赴 內廷抄寫

人員傳 旨郭元鈺等十人前已考過優獎今不必再考十七日

取中考試人員汪泰來等五十一人同前考郭元鈺等十人俱赴

行宮引 見各 賜御書石刻孝經一部四月十五日 駕駐

蘇州 行宮內臣梁九功傳 旨朕有自用豆腐一品與尋常不

同因巡撫是有年紀的人可令 御廚太監傳授與巡撫的廚子

爲他後半世受用

迎鑾三紀

三月十九日 上幸虎邱途次遇微雨回 行宮是年 駕幸崑

山縣登馬鞍山畱題又 幸松江閱督標兵水操

顧詒祿虎邱志

以上五巡